

حاصلاتی کاملاً غالیچیا و دو بریجه قهرمانلرینه توتون هدیه سنه تخصیص ایدلمشدر

۱۰ ربیع الاول ۱۳۳۵

پنجشنبه

۲۲ کانون اول سنه ۱۳۳۲

سر محرری : مصطفی فوزی

تاریخ تاسیس ۱۳۲۷ سنه هجری

سنه ۴۰ اعتبارله مالک شاهانه ایچون بشین

اولهرق ۴۰ الی ایلمی ۲۰ غروش و مالک

اجنبیه ایچون ۱۰ فرانقدر

تلفون نومروسو : ۱۰۹۷

حجر لایحه فی

شمذیلک اون بش کونده برنشر اولئور

صاحب امتیاز و مدیر مسئول حسن کاظم

ملت اسلامییه - امت مائنه ایچون مننه اولان آتار
محبه لرجه ایچون درج ایلمان اولان اطافه ایلمان

استانبولیه باب عالی جوارنده ابوالسعود جاده - سنه
نجم استقبال مطبوعه سنه اداره خانه منر اصحاب
مراجمانه هر ساعت آچقدر

نسخه سی ۵ غروش

تصوفی ، دینی ، اخلاقی ادبی ، سیاسی جریده اسلامیه در

نومرو ۱۲۴

کتاب مثنوی

بحر بی پایان اطلاقه سزا اولان حضرت مولانا جلال الدین رومی حضرتلرینک یازدینی کتاب مثنوی و وضع ایندیکی آداب طریقت حقیقه شمسدن بر ذره قیلندن بعض ایضاحاتی مناسب کوردیم عارفه اشارت کافی اولدیغندن دکزدن بر قطره کبی حقیقت بین اخوان دینک نظر مطالعه لرینه عرض و تقدیم ایدیورم .

بحلای حقیقت اولان آیین طریقت مولوی ؛ کتاب مثنوی کبی نیجه حکم و اسرار لاهوتی مشعر اولوب اوزات عالی بونلره برر اشارت ایله عارفی ارشاد ایتش ، هرکسه استعدادی نسبتنده سوز سولشدر . عقل و فکرک فوقنده اولان اسرار ملکوتی تشریح طاقبت بشر متحمل اولمندی کبی نهایت اوتوز قرق حرفدن مرکب اولان الف بادن کله و الفاظ تشکیله اوحقایق بی نهایتدن دم اورمق بش اون ایپلکدن برکوملک یایمق قیلندن اوله جفندن ده آنک فوقنده حکم فرما اولان جیع کائنات ، حروف و کلمات ایکن حالات روحیه و ملکوت سبحانی بی رمز و اشارت ایله تفهیمدن باشقه چاره وارمی ؟

کتاب الله عزوجل قرآن کریمک علویتی اشارت ایچون ساوات وارض و جیع مکونات ؛ جهات سنتدن حالی اولمیدندن و معانی قرآنده نامتسای اولمیدندن ، شش جهت رانورده از شش صحف ، مصرعیه بوکا اشارت بیوردیلر .

قرآن کریمدن باشقه معجزات پیغمبری کورمک ایستیلره کتاب مثنوی بی کوستریز کرامات اولیا متبوعنک معجزه سیدر . قانون تکامل موجینجه هرشی مزور زمان ایله قفسوری بولونمش و قسماً حکمدن ساقط اولمش ایکن او کتاب لطیفک ترقیات بشر ایلیلدیکجه علوی بر قات ده آرتیور . حضرت پیرقدس سره که عصرنده حریت افکار و کلام ممنوع بولوندینی نظر دفته آلینیرسه مثنوی شریف کبی سراپا اساسات حریت اوزره مبتی بر کتاب یازمق بیوک بر انقلاب دیمک ایدی . بوکا مبنی بوکی اهل الله کاه کاه دار و دیار ایتمک مجبور ایدیوردی . محض حقیقت اولان خاتم النبیین علیه الصلاة والسلام اقدمزک ، ترک وطنه مجبور اولماسی حق سولمکدن باشقه بر شی دکل ایدی . وقیلله ملوک امویه نك شرنندن یمن ، اقصای مغرب ، ماوراء نهره فرار ایدن حریت پروران اهل بیت ؛ نیجه زمان صکره نشر انوار حقیقت ایتمک و قلوب مستعدینی لبریز عشق ایلک اوزره آسیای صغرایه آناتولی به قدر عودت ایتدیلر . حق عالیلرند و وقوع بولان نیجه افتالره رغماً شمس حقیقت هیچ بر زمان مستور قالمیه جنی جهته رجال غیب تعیر اولونان اهل الله ادوار استبداده حکم فرما اولان هرچ و مرجع اتناسنده کهف حقیقتده متحصن و مستتر اوله رق حکم الهی به انتظارا فراش قدرنده خوابیده ایدیلر . [۱]

[۱] «گفت ایزدهم رفود زین مرم» مصرعنه اشارتدر.

ترقیات بشر یو کسلدیکجه استبداد حکم سورمیه جکی جهته استعداد بشر کندینی کوستره جکدر . اصحاب یمن اولان ارباب سعادتک و جیع عقول کامله نك ار کیچ ، مرجعی کتاب مثنوی اوله جق و حضرت پیر قدس سره نك همت روحانیسه استناداً او کتاب شریف تحمل بشر نسبتنده توسیع ایدیله جکدر .

هاشم ولی



محترم مطبوعات عمومی مدیری
حکمت ناظم بک

فداکار غازیلر مزه توتور اهداسی

غالیجیاده ، رومانیاده شان عثمانی بی اعلا ایچون مجاهده ایدن عسکر قرداشلر مزه منتسبین مطبوعاتنک تاجیز بر خدمتی اولمق اوزره توتون اهداسی حقیقه هر طرفده کمال حرارتله قبول و اشتراک اولنان اعانه مخصوصه رسمنی درج ستون مباهات ایلدیکمز مطبوعات مدیر عمومی حکمت ناظم بک اقدینک قیمتدار تکلیف و تشبیلرله وقوعه کلشدر . مشارالیهک بو خصوصه کی همت و معاونتلی حقیقه دور و دراز اداره کلامه حاجت اولیوب قارئلر مز هر کون غزته لرده آثار فعلیه سنی کورمکه مباہیدرلر . جریده صوفیه کنديسنه دوشنه وظیفه بی ایفا املیه مشارالیهک اثرینه اقتضا و اشبونسخه فوق العاده سی حاصلاتی بوجهته حصر ایله مباہیدر . قارئین کرامیک لطف و مرونی بو تشبیمزی ترویج ایده جکندن امید وارز .

عسکر قرداشلر ییزی اونوتمايه لم

ایکی سنه در قره لر ، دکز لر ، هوالرده ملک و ملوک سعادت و محافظه سی اوغرنده حیاتی استحقاق ایده رک عقور دوشمنلرله دلیرانه جاریشان قهرمان عسکرلر مزه قارشى افراد ملوک دین شکرانی